

Headline	Trio UniKL sedia tentang TNB		
MediaTitle	Harian Metro		
Date	18 Jan 2019	Language	Malay
Circulation	112,705	Readership	338,115
Section	Arena	Page No	82
ArticleSize	107 cm <sup>2</sup>	Journalist	N/A
PR Value	RM 12,645		



### Kuala Lumpur

## Trio UniKL sedia tentang TNB

Trio import UniKL dari Belanda - Robbert Kemperman, Valentin Verga dan Martijn Havenga - sudah bersedia sepenuhnya untuk turun menentang Tenaga Nasional Berhad pada aksi Liga Hoki Malaysia di Stadium Tengku Abdullah, Bangi, hari ini.

Ia selepas tiga pemain import itu bersama David Harte dari Ireland dan pemain Australia, Kieran Govers terpaksa beraksi dalam keadaan kepenatan pada awal kempen liga, minggu lalu kerana baru saja tiba di tanah air.

"Kami kini semakin menyesuaikan diri dan lebih bersedia," kata Kemperman pada sesi latihan yang terjejas berikutan hujan lebat di Bangi kelmarin.

"Sewaktu bertemu UiTM Ahad lalu kami berasa kepenatan menaiki penerbangan dengan

mengharungi perjalanan panjang. Bagaimanapun kami tetap menikmati aksi itu dan memenangnya.

"Saya kini tidak sabar bertemu TNB dengan keadaan fizikal kami lebih baik," kata Kemperman, 28, yang menyifatkan kemenangan 2-1 ke atas UiTM sebagai aksi pemanas badan yang baik baginya merasai suasana sebenar perlawanan di negara ini.

Kemperman dan Verga memainkan peranan penting ketika Belanda meraih tempat ketiga pada Piala Dunia 2018 di India manakala Havenga adalah pelatih skuad kebangsaan.

"Saya difahamkan TNB pasukan yang kuat terdiri daripada pemain kebangsaan. Tapi kami perlu kekal merendah diri dan fokus," kata Kemperman.